





太平寰宇記卷第五十三

河北道二

懷州

懷州 河西郡今禹貢冀州之域星分張宿九度禹貢覃懷

底績至于衡漳太行山在焉殷時為畿內周時為三監

御鄘衛地亦為衛邶雍三國及管蔡廢黜封康叔以為

懷侯于此地即為衛、遷河南晉文公始霸洛南陽又

為晉地故左氏傳襄王賜晉文公陽樊温原欒茅之田

晉于是始啓南陽杜預注云在晉山之南河之北故曰

南陽也又云武王克商蘓忿生以温為司寇其田有墾



懷戰國時為魏衛二國之境史記云秦襄王伐魏取軹  
又竹書紀年云秦師伐鄭至于懷殷始皇并天下以今  
州地屬三川河東二郡又按史記始皇六年拔衛其君  
徙居野王阻其山以保之胡亥廢衛君角為庶人以其  
地屬三川河南二郡之境河東郡之東境史記云項羽  
立司馬卬為殷王王河內漢高祖初又為殷國至二年  
卬降以其地為河內郡治懷舊壤即單懷故地漢書地  
理志云魏地東盡河內領懷等十八縣屬司隸後漢世  
祖南定河內難其守鄧禹舉寇恂世祖謂恂曰河內完  
富吾將因是而起昔高祖留蕭何鎮關中吾今委公以

河內恂遂伐其圍之竹治天百餘萬養馬二千匹收租  
四萬斛以給軍士由是東漢之業濟焉晉為河內汲二  
郡地後魏置懷州兼置河內郡地古野王城是也隋開  
皇三年郡廢而州存十三年改野王縣為河內縣大業  
二年州廢復為河內郡唐武德二年陷于王世充其年  
於濟源西南栢崖城置懷州領大基河陽集城長泉四  
縣其年於濟源立西濟州武德縣立北義州修武縣東  
北故濁鹿城立陟州懷州置總管府管懷西濟北義陟  
四州三年懷州又置太行忠義紫陵穀旦溫五縣四年  
移懷州於今野王城其年又於溫縣置平州以溫縣屬



之又省穀旦太行忠義紫陵四縣後省平州仍於隋河陽官置盟年領河陽集城温三縣又省西濟北義陟三州又於獲嘉縣置殷州其懷州摠管管懷殷盟三州懷州領河內武德軹濟源五縣八年廢盟州省集城入河陽以河陽温二縣來屬貞觀元年罷都督府以廢殷州之修武獲嘉武陟廢邵州之王屋四縣來屬仍省懷軹二縣顯慶二年割河陽温濟源王屋四縣屬洛州天寶元年改為河內郡乾元元年復為懷州

元領縣五

河內

武德

修武

武陟

獲嘉

州境

東西二百一十七里

南北一百一十五里

四至八到

東南至東京三百三十里

西南至西京一百四十里

西南至長安八百七十九里

東至衛州二百六十里

南渡河至鄭州一百九十里

西至河南府濟源縣七十三里

北至澤州一百四十里



東南至鄭州一百五十六里

西南至河南府一百四十里

西北至河南府界一百七十里

東北至衛州

戶

唐開元戶四萬三千一百七十

皇朝戶主一萬一千三百五十六客三千五百六十八

風俗

河內覃懷之地於周為畿內今所管縣本屬河南故風俗與周地畧同漢書云子男之國魏卽為大魏國即今

汜水縣也

姓氏

河內郡八姓

梁

何車

常

苟

淳于 司馬

人物

四皓河內軹人。張禹字子文河內軹人代王商為丞相。丁蘭郭巨皆河內人。張奉河內修武人有孝行子表字公儀遭奉喪後每彈琴惻愴不能成聲。司馬朗溫人九歲人道其父字朗曰慢人者不敬其親也。常林年七歲父黨造門問林伯先在否何不拜答曰臨



子字父何拜之有。向雄河內人為郡主簿太守王經  
被刑雄哭之盡哀後又葬鍾會。山濤河內懷人為吏  
部尚書。樂松河內人天性忠朴為尚書郎。向秀河  
內懷人。唐李商隱懷州河內人。司馬承禎河內温  
人隱天台玄宗累徵至京授道錄。穆寧懷州河內人  
有家法。張鷟懷州人起家二年拜相。

土產

絲

絹

綿

絀

貢

朱膠

河內縣

舊二十一鄉今六鄉

春秋時野王邑左傳晉人執晏弱于野

王杜預云河南野王縣也七國時屬韓漢為野王縣屬

河內郡隋開皇十三年改野王為河內縣因晉徙河內  
郡于此為名唐武德四年自柏崖城徙郡於此。太行  
山在縣北二十五里禹貢曰太行恒山至于碣石注云  
二山連延接碣石左氏傳齊侯伐晉為二隊入孟門登  
太行穆天子傳曰天子命駕八駿之乘赤驥之馱南征  
朔州逕絕翟道升于太行南濟於河淮南子曰武王欲  
築宮于太行之山周公曰五行險固德能覆也高誘注  
曰今野王太行山也今上有孔子廟石室。太行陁在  
縣西北三十五里連山中斷曰逕述征記曰太行山首  
始于河內北至幽州凡百嶺岩亘十二年之界有八逕



第一軹關逕今屬河南府濟源縣在縣理西十一里第  
二太行第三白陘此兩陘今在河內第四滏口陘在藺  
西第五井陘第六飛狐陘一名望都關第七蒲陰陘此  
三陘在中山第八軍都陘在幽州太行陘濶三步長四  
十里○沁水在縣北四里北自濟源界流入○丹水去  
縣七里東北自澤州沁城縣界流入分溝灌溉百姓資  
其利焉○濟水經縣西南去縣三十里○大臺水後漢  
光武遣王梁擊赤眉賊處○新城壘在縣東北九里唐  
武德三年劉德威于此置營○古軹城在縣西北二十  
七里今軹城太行之南道出其中○紫陵澗唐武德三

年置紫陵縣、近澗因以為名○古野王城冀州圖云  
野王城即今懷州理也史記云衛元君為秦所奪自濮  
陽徙此○嵇康鍛竈康即晉之七賢今有竹林尚存并  
鍛灶之所宛在○孔子廟夫子欲北之趙、鞅殺大夫  
竇鳴犢夫子至此聞之傷悼遂不通河今有夫子廟

武德縣 東西四十七里舊本司寇蘇忿生之州邑漢以為

縣屬河內郡東魏于此置武德郡隋文帝十六年改為  
邢丘縣大業二年改邢丘為安昌縣唐武德二年改安  
昌為武德縣○太行山在縣北五十里○沁水在縣北  
二里東流○平臯陂在縣南二十三里陂多菱蓮蒲葦



百姓資其利周迴二十五里陂南即黃河。安昌故城在縣東南十里漢成帝封丞相張禹為安昌侯即此地。○南北斗城冀州圖云南斗城在今縣北三十里北斗城在縣北五十一里又郡國縣道記云武德有故雍城在縣西北三十五里疑此是也。○平臯城在今縣西左傳赤狄伐晉圍懷及邢丘注云邢丘今河內平臯縣是也漢置平臯縣又高祖封劉它為平臯侯。○故大斛閼在縣北一百六里

修武縣

東北一百二十里本殷之寧邑韓詩外傳曰武王

伐紂勒兵于寧故曰修武左傳曰晉陽處父聘于衛通

甯注云汲郡修武縣是也漢以為縣屬河內郡東魏置

西修武縣尋省高齊天保七年自今獲嘉縣移修武縣

於西修武縣故城隋大業十年又移于永橋即今武陟

縣其城又空復移于今縣東北二十三里濁鹿故城置

即魏帝受禪所也唐武德二年於濁鹿城置陟州領修

武縣四年州廢屬殷州六年又移修武於縣西修武故

城即今理也貞觀元年省殷州屬懷州。○太行山在縣

北三十二里。○天門山今謂之百家巖在縣西北三十

七里以岩下可容百家因名上有精舍又有報壯處所

云嵇康所居圖經云白岩有劉伶醒酒臺孫登長嘯臺



阮氏竹林嵇康淬劍池並在寺之左右。○山陽城北有狄山即嵇康園宅也。○五里泉水經五里泉在修武鄉。○濁鹿城在今縣西北三十里。魏志文帝受禪封獻帝為山陽公居河內山陽之濁鹿城即此城。周迴十五里尚在。○禪陵在縣北三十五里。獻帝陵也。以禪位故名焉。○武陵故城在縣南二十五里。東魏僑置大寧郡後周廢。○大寧城在縣東南三十八里。舊名西卻閣城。○習鑿齒墓在縣西南太平鄉。

武陟縣 東南一百里舊本漢懷縣地隋開皇十六年分修十六鄉今四鄉  
武縣置武陟縣理故鄉今縣東二十里武德故城是也

屬殷州唐貞觀元年省殷州屬懷州。○沁水在縣東一里。○故殷城在縣東南十里。楚漢之際司馬卬為殷王理此。○故懷縣城春秋傳云赤狄伐晉圍懷即此。在縣西十一里。西漢河內郡並理之。晉移郡理于野王。

獲嘉縣 南北一百六十里春秋時甯邑地漢獲嘉漢書曰舊二十鄉今七鄉

武帝將幸緱氏至汲縣之新中鄉得南越相呂嘉首因名為獲嘉縣屬河內郡。此前獲嘉縣理在今衛州新鄉縣西南十里。獲嘉故城是也。西晉曾立為殷州。高齊又移獲嘉縣於衛州之共城縣。隋開皇四年自共城移于今理。十六年又立殷州。唐初州廢復為縣。還河內。○黃



河在縣南四十里。○清水酈元注水經云黑山在縣北  
白鹿山東清水所出也。上承諸陂散泉積以成川南流  
西南屈瀑布垂岩懸河注壑二十餘丈。又冀州圖云清  
水出共城西北界白鹿山東南流入汲郡。○吳澤陂在  
縣西北十五里。○七賢祠在縣西北四十二里阮籍等  
遊處水經云七賢祠左右筠篁列植冬夏不變向子期  
所謂山陽舊居即此祠處也。○同盟山在縣東北五里  
武王伐紂與諸侯同盟此山因名

太平寰宇記卷第五十三

太平寰宇記卷第五十四

河北道二

魏州

博州

魏州

魏州魏郡今理大禹貢兗冀二州之域在夏即為觀扈之

國星分畢昴春秋為晉地戰國為魏衛二國之境秦滅

魏置東郡滅趙置邯鄲郡漢高祖使韓信定河北以秦

邯鄲郡之南部并東郡之邊縣置魏郡即今元城縣地

是也後漢封曹操為魏王理鄴自漢至魏晉郡皆在鄴

前燕慕容暉都鄴於今州理之貴鄉郡尋有周靜帝大



象二年又於貴鄉郡之東界置魏州隋大業三年罷州  
為武陽郡唐武德四年平竇建德復為魏州又分置漳  
陰縣領貴鄉昌樂元城莘武陽臨黃觀城頓丘繁水魏  
冠氏館陶漳陰十三縣其年割頓丘觀城二縣置檀州  
又割莘臨黃武陽三縣置莘州又割冠氏館陶置毛州  
魏州置總管府管魏黎檀莘毛五州魏州領貴鄉昌樂  
繁水漳陰元城魏六縣貞觀元年罷都督府仍省漳陰  
縣其年廢莘毛檀三州盡以所領縣屬魏州十七年省  
元城武陽觀城三縣十八年省繁水縣龍朔二年改為  
冀州大都督府以殷王為都督、貞德相隸滄魏七年  
咸亨三年依舊為魏州罷都督府永昌元年置武清縣  
聖曆二年又置元城縣天寶元年改為魏郡乾元元年  
復為魏州天祐三年割貝州之永濟宗城經城相州內  
黃成安洹水博山之清平來屬從魏府之所請後唐同  
光元年升為東京興唐府三年改為鄴都晉天福初改  
為廣晉府漢乾祐元年改為大名府周顯德元年依舊  
為天雄軍節度其大名府額仍列在京兆府之下  
皇朝因之

元領縣十

今十七

大名

元城

南樂

魏縣

館陶



冠氏

莘縣

朝城

夏津

臨清

永濟

宗城

經城

以上二縣  
貝州割到

清平

博州  
割到

內黃

成安

洹水

以上三縣  
相州割到

二縣割出

頓丘

臨黃

并入  
澶州

州境

東西二百四十里

南北三百二十里

四至八到

東至東京四百里

西南至西京七百五十里

西南至長安一千六百一十里

東至博州武水縣一百三十七里

正東微北至博州一百八十里

南至相州一百六十里

西至相州一百一十里

北至貝州二百一十里

東南渡河至濮州一百九十里

西北至洛州平恩縣界九十四里

東南渡河至鄆州二百三十里

西北至洛州一百六十里



戶

唐開元戶一十一萬七千一百七十五

皇朝戶主五萬五千九百八十七客二萬九百八十五

風俗

毛詩云魏地狹隘其人機巧史記云邯鄲亦漳河之間  
一都會也北通燕涿南有鄭衛鄭衛俗與趙相類然近  
梁魯微重而矜節漢書云邯鄲土廣俗雜大率精急高  
氣勢

姓氏

魏郡五姓

申

暴

栢

暢

萇

人物

蓋饒寬魏郡人為司隸校尉刺舉無所迴避公卿貴戚  
皆懼○藥巴內黃人○唐谷那律魏州昌樂人○劉祥  
道魏州觀城人相高祖○李義琰魏州昌樂人為相高  
宗欲令天后預知國政義琰固爭不可○郭元振魏州  
館陶人為相封代國公○路巖冠氏人在相位八年

土產

絹貢

絲

綿

絁

紬

貢

漢書云冀州其利松柏

大名縣

舊三十鄉  
今六鄉

本漢元城縣地後魏孝文帝太和二十



一年分置貴鄉縣因前燕慕容暉之貴鄉郡以名之屬  
昌樂郡按水經注云沙丘堰有貴鄉謂此也隋開皇三  
年罷郡縣屬魏州大業三年改屬武陽郡唐武德初割  
屬魏州後唐改為廣晉縣漢乾祐初為大名○恆山在  
縣西九里古堰也今名恆山漢成帝時河決金堤使者  
王延世於此運土以塞河頗恆當時人心故謂之恆山  
○大河故瀆在縣東三里俗名王莽河注水經云故瀆  
又東北經元城西北至沙丘昔禹治洪水播為九河自  
此始也○屯氏河俗名毛河注水經云大河故瀆北出  
為屯氏河漢書溝洫志曰自塞宣房河復北決于館陶

分為屯氏河廣深於大河等○西渠開元二十八年九  
月刺史盧暉移通濟渠自石灰窠引流注於城西夾水  
制樓百餘間以貯江淮之貨故有西渠之名○州城前  
燕慕容暉所置也周宣于此置州理焉

元城縣

舊三十鄉  
今六鄉

本漢舊縣屬魏郡應劭曰魏武侯公子

元會邑于此國因氏為又魏書吳質為元城令文帝枉  
藪騎即謂此邑高齊省元城縣入貴鄉聖曆二年重置  
開元十三年移于州東北三百步後唐改為興唐縣晉  
後為元城○沙麓在縣東十二里亦名女姓丘春秋經  
云沙麓崩注云晉地也漢書曰王翁孺瓦徙魏郡元城



委粟里元城建公曰昔春秋沙麓崩晉史卜之曰後六  
百四十五年當有聖母興其齊田氏乎今翁孺徙居正  
直其地日月當之元城郭東有五鹿之墟即沙麓地也  
後八十年有貴女興天下云其後平帝幼小元后果臨  
朝稱制也○五鹿墟在縣東左傳謂晉公子重耳乞食  
于五鹿野人與之塊即其處也○馬陵在東南十里魏  
攻韓、告急于齊、使田忌將而孫臏為師使齊軍入  
魏地為十萬灶明日為五萬灶又明日為二萬灶龐涓  
大喜曰我固知齊卒怯入吾地三日士卒亡者過半乃  
倍行逐之孫臏度其暮至馬陵乃斫大樹白書曰龐涓

死於此下於是令善射者萬弩夾道而伏期見火舉而  
俱發龐涓夜至斫木下見白書乃鑽火燭之齊軍萬弩  
俱發魏軍大亂涓自刎○王翁孺墓在縣東二百步漢  
書王翁孺既免居委粟里即元后三祖也○東晉墓在  
縣南二十五里

南樂縣 南十五里舊三本漢舊縣屬東郡後魏孝文于漢

舊昌樂縣 舊昌樂郡及昌樂縣周武帝改屬魏郡隋罷

郡改屬魏州今改名南樂○王莽河西去縣十二里○

平邑竹書紀年云晉烈公四年趙城平邑按縣圖云在

縣城東界



魏縣西四十里舊十鄉今四鄉本漢舊縣屬魏郡後魏文帝分魏縣

置昌樂縣高齊省魏縣入昌樂縣隋開皇六年又分昌

樂置魏縣依舊屬魏州。漳河舊漳河在今縣西北十

里即史起所決以灌鄴旁者新漳河在今縣西北二十

一里。白溝水地接館陶界隋煬帝導為永濟渠亦名

御河南自相州洹水縣界流入又北阿難河出焉蓋魏

將阿難所導以利漕故此漕有阿難之稱矣又唐史開

元二十年魏州刺史盧暉開通濟渠自石灰窠引流至

州西都注魏橋夾州製樓百餘間以貯江淮之貨是此

渠。蓋饒寬臺在縣東八里。狄仁傑祠在縣東南四

里為魏州刺史百姓為立祠

館陶縣北五十里舊十鄉今五鄉本春秋時晉冠氏邑也陶丘在縣

西北七里爾雅曰丹戍為陶丘趙時置館于其側因為

縣名漢時屬魏郡魏文帝改屬陽平郡石趙移陽平縣

理此大象二年置毛州以近河為稱隋大業二年廢毛

州以館陶縣屬魏州。金堤漢武帝時河決館陶及東

郡金堤謂此地也。大河故瀆俗名王莽河東去縣四

里。屯氏河俗名毛河在縣西二里。白溝水煬帝導

為永濟渠亦名御河西去縣十里

冠氏縣東北六十里舊十一鄉今五鄉本漢館陶縣地隋開皇六年分館



陶東界置冠氏縣因古冠氏邑為名屬毛州煬帝大業二年廢毛州冠氏縣屬魏州。○黃河郡國志云俗名黃壘。○王莽河北去縣十八里。○冉仲弓墓在縣北二十五里。

莘縣

東七十五里舊二鄉今五鄉

本衛地漢為陽平縣屬東郡周武

帝建德七年于此置武陽郡在武水之陽因以為名隋開皇八年改陽平縣為清邑縣十六年于縣置莘州十八年改樂平縣為莘亭大業二年廢莘州縣屬魏州其年改清邑為莘縣因縣北古莘亭為名唐武德初又置莘州貞觀元年州廢來屬假壽爭相為死即此地。○水

井注水經云武陽大城西門有水井門內有古水井

猶在。○莘亭在縣北即左傳云使盜待諸莘是也。○武

陽臺水經注云武陽城有一石臺在天城門外號曰武

陽臺。○武陽故城在今縣之南即後周置郡于此。○二

子祠顧野王輿地志云陽平之莘有衛宣公二子爭死

處今有祠存。○頓城郡國志云頓城在武陽東南十里

城洪為東郡守理于此城

朝城縣

東南八十里舊十八鄉今四鄉

本漢東武陽郡在武水之陽故曰

武陽其後為縣屬魏郡隋開皇十六年隸莘州大業二年廢莘州為魏州唐貞觀十七年縣廢永昌元年又置



改名武聖開元十年改為朝城。武河在縣東十步。黃河在縣東二十九里。武陽臺在縣西南一里。扁鵲墓在縣羅城西北隅。

夏津縣 東北二百五十里 舊十三鄉 今三鄉 本漢靈縣地漢初為鄆縣按漢

書高后封呂佗為鄆侯田蚡奉邑亦在鄆即此地理志

鄆縣屬清河郡故城在今德州西南五十里是漢鄆縣

理所後魏省隋開皇十六年復于此立鄆縣唐天寶元

年改為夏津縣今屬魏州。潤河枯瀆在縣東三十六

里。屯氏河在縣北

臨清縣 西南一百五十里 舊五鄉 今六鄉 本漢清源縣地後魏孝文帝太

和二十一年於此置臨清縣屬魏州高齊省隋開皇六

年復置臨清縣屬毛州十八年州廢縣屬貝州唐大曆

七年於縣西南張橋店置永濟縣同時以滄州景城縣

隸瀛州貞元以後復自瀛州隸貝州。貝丘在今縣東

南十五里有漢貝丘縣故城存城中有貝丘高五丈周

迴五十步兼有後漢貝丘長博陵劉伯言北海苑孟興

二碑並文磨城後魏初移縣于故城東北十里今縣東

又有貝丘城即後魏所治。屯氏河在縣西十五里

永濟縣 北九十里 元四鄉 本漢貝丘縣地隋已後為臨清縣地唐

大曆七年田承嗣奏於張橋店置此縣以邑西臨永濟



渠故以為名今屬魏州。永濟渠在縣西南自汲郡引清淇二水東北入白溝穿此縣入臨清按漢武時河決館陶分為屯氏河東北經魏郡清河信都勃海入海此渠蓋屯氏古瀆隋氏修之因名永濟

宗城縣

西北一百七十里舊十五鄉今五鄉

本後漢章帝分鉅鹿地立廣宗

縣屬鉅鹿郡後魏於縣理置廣宗縣屬清河郡隋開皇三年罷郡仁壽元年改廣宗為宗城縣唐武德四年於此置宗州領宗城縣九年廢宗州以縣屬貝州今屬魏州。枯漳河在縣東二十七里。袁公橋在今縣東即後漢袁紹破公孫瓚於此橋故謂袁公橋焉。張甲河

在縣南二十七里

經城縣

西北二百三十里舊二十鄉今四鄉

本後漢之經縣地分前漢堂陽

縣於今縣西北二十里置經縣後魏初省併南宮縣太和十年又於今理置經縣續於縣理置廣宗郡高齊天保七年省郡及縣仍移廣強縣于此後周武建德七年復于此置廣宗郡隋開皇三年罷郡六年移武強縣於武強城南置復于此置經城縣屬貝州今屬魏州。張甲枯河在縣東十里

清平縣

東北一百八十里舊十鄉今四鄉

本漢清陽縣地屬清河郡隋開

皇六年自今貝州清河縣界移貝丘縣於今理屬貝州



十六年改貝州為清平縣屬博州大業二年省博州改屬貝州隋亂廢唐武德四年重置屬博州今屬魏州。

王莽河在縣南十八里

內黃縣 西南一百二十四里 舊十八鄉今四鄉 本漢舊縣屬魏郡以河北為

內河南為外以陳留有外黃此為內黃後魏省隋開皇

六年於故城東南十九里重置內黃屬相州唐武德二

年於黎陽縣置黎州縣屬焉貞觀十七年廢州縣還相

州今屬魏州。黃澤在縣西北五里。博望崗在縣東

南十三里接汲縣界。湯水水經曰湯水又東北至內

黃縣入于黃澤。倪渠前漢倪寬遷內黃令吏民大信

表開六輔渠以大溉灌民極獲利因曰倪公渠。牽城

在今縣西南十二里左傳云會齊侯于牽即此。繁陽

故城史記云趙將廉頗伐魏取繁陽是此地漢為縣故

城在今縣東二十六里城因在繁水之陽以為名。辟

陽城漢審食其封此故城在今縣東北五里。故殷城

在縣東南十三里殷王河亶甲居相因築此城。永濟

渠北去縣二百步

成安縣 西一百里舊三鄉今三鄉 本漢斥丘縣地屬魏郡春秋時乾侯

邑也土地斥鹵故曰斥丘後其地屬鄴縣高齊文宣帝

分鄴縣置成安縣屬清都尹周平齊屬魏郡隋開皇三



年改屬相州今屬魏州。濁漳水西自滏陽縣界流入。○丘丘故城在縣東南三十里本春秋時乾侯邑漢以為丘丘縣左傳曰公如晉次于乾侯。蚩尤家在邑界。洹水縣西南九十三里本漢內黃縣地晉于此置長樂縣舊十鄉今三鄉屬魏郡後魏省孝文帝復為長樂縣高齊省入臨漳縣。周武帝分臨漳置洹水縣因水為名屬魏郡開皇三年割屬相州今屬魏州。○洹水西自堯城縣界流入。○鷓鴣陂在縣西南五里周迴八十里蒲魚之利州境所資。○白溝今名永濟渠水經白溝與洹水同。

博州

博州

博平郡今理聊城縣

禹貢兗州之域春秋時齊之西界聊攝地

也平原郡聊城縣東北有故攝城即故聊攝城也左氏

傳引晏子云聊攝已東其為人多矣戰國時亦為魏齊

趙國交境之地秦兼天下置三十六郡今州即秦之東

郡也在漢為東郡之聊城縣也晉以聊城縣屬平原郡

宋分其地置魏郡後魏明元帝于此置平原鎮孝文帝

罷鎮置平原郡葛榮之據冀州也又于今理置冀州尋

廢孝武帝復置平原郡隋開皇三年罷郡十六年于今

理置博州大業二年省隋亂宇文弒逆自江都舉

兵至此竇建德攻陷其城殺化及復自據之唐武德四



年討平竇建德置博州領聊城武水堂邑在平仍置莘  
亭靈清博平高唐凡九縣五年省莘亭靈清二縣貞觀  
元年省在平縣天寶元年改為博平郡乾元元年復為

博州

元領縣六 今四

聊城

堂邑

高唐

博平

一縣割出

清平

入魏府

一縣廢

武水

併入聊城縣

州境

東西一百八十九里

南北二百里

四至八到

西南至東京五百一十里

西南至西京九百三十里

西南至長安一千九百九十里

東渡河至濟州二百九十里

南至舊濟州七十里

正西微南至魏州一百八十里

北至貝州一百三十里



東南至舊濟州五十四里

南至魏州冠氏縣八十六里

西北至貝州一百九十里

東北至德州二百六十里

戶

唐開元戶三萬七千四百四十四

皇朝戶主一萬六千二百七客一萬三千三百三十一

風俗

同魏州

人物

賈琮字孟堅東都聊城人。○華歆字子魚官至太尉。○

華恒字敬則高唐人。○唐呂才博州清平人善陰陽書

又明音集為太子率更大夫。○馬周在平人為中書令

○梁載言聊城人歷鳳閣舍人撰十道志

土產

綿

絹

平紬貢

聊城縣舊二十鄉本春秋時聊攝地魯仲連射箭喻燕將

之所漢以為縣屬東郡晉屬平原郡高齊改隸濟州隋

開皇三年改屬冀州十六年置博州縣改屬焉。○黃河

南去縣四十三里。○郭水水經云郭水出聊城縣東北



水泛則津注水耗則輟流。微子城紂之庶兄封邑于此故有城存。重丘在縣東南即左傳曰諸侯同盟于重丘杜預注云重丘齊地蓋謂此也。荏平故城漢為縣廢城在今縣東五十三里在荏山之平地因山著名石勒之賊也賣在荏平人師歡家為奴。博固城隋圖經曰或謂之布鼓城即石勒時築在大河之曲。四口故閘在縣東八十里一名四瀆口酈元注水經云河水又東北流為四瀆津蓋其處隋初于此置四口閘。郭城隋圖經云郭城即亡國郭氏之墟。聶政家烈士刺韓相者。華歆家仕魏為司空郡人也。廢武水縣在

州西南六十里舊八鄉後一鄉本漢陽平縣地屬東郡隋開皇八年改陽平縣為清邑縣十六年分清邑縣置武水縣取邑界水為名屬華州即今博州武水縣理是也在武水之南隋大業二年廢華州改為魏州唐貞觀元年改隸博州周廣順二年河決衝沒顯德二年割屬聊城縣。黃河在武水縣南二十里。石柱後魏孝文帝所立為鄴東之表水經云武水東流從石柱北是也堂邑縣東六十里舊十鄉今三鄉本漢清縣發干二縣地屬東郡隋開皇十六年于此置堂邑縣屬毛州因縣西北有漢堂邑故城為名大業三年改屬魏州唐武德四年又屬毛



州貞觀元年廢毛州改屬博州晉改為河清縣後復舊  
○發干故城漢為縣廢城在今縣西南○王莽河北去  
縣十里○樂平故城本漢清縣也在縣東南三十里後  
趙錄曰東海王使征東將軍苟晞擊汲桑石勒與晞相  
持戰于平原陽平間為晞所敗桑奔馬牧勒奔樂平○  
堂邑故城在縣西北二十七里高帝五年陳嬰為堂邑  
侯嬰孫午繼封尚館陶公主

高唐縣

東一百十里舊十五鄉今二鄉

本齊邑春秋夙沙衛奔高唐以叛

史記齊威王曰吾臣有盼子者使守高唐趙人不敢東  
漁于河至漢以為縣屬平原郡後魏屬濟州高齊又屬

平原隋開皇十六年改隸博州唐長壽二年改為崇武  
縣神龍元年復舊名梁開平二年改為重丘縣唐同光  
初復舊晉改為齊城縣漢初復舊○黃河在縣東四十  
五里○大河故瀆在縣東一十七里○鳴犢河今名鳴  
犢溝漢書地理志曰河水自靈縣別出為鳴犢河溝洫  
志元帝永光五年河決清河靈鳴犢口而屯氏河絕也  
○故靈城漢為縣在今縣西二十里高齊天保七年省  
按今博平縣曾為河所壞權寄理此城大河故瀆在其  
南○爵堤十三州志高唐縣有爵堤以捍河水

博平縣

東北七十五里舊九鄉今二鄉

本齊三博陵邑也史記曰齊威王



代晉至博陵徐廣注云東郡之博平也漢以為縣屬東  
郡晉屬平原國隋開皇三年改隸毛州十六年改屬博  
州○王莽河在縣北十八里○故鼎城在縣西南二十  
里

太平寰宇記卷第五十四

校勘

魏州

館陶縣 摠序

周大象二年置毛州以近河為稱大業二年廢毛  
州

按顏師古注云屯音大門反而項氏誤以為毛氏  
河乃置毛州故今記大名縣館陶縣屯氏河皆云  
俗名毛河又曰近毛州以近河為稱本此



太平寰宇記卷第五十五

河北道四

相州

相州鄴郡今理禹貢冀州之域尚書云殷王河亶甲居

相即其地春秋時屬晉左傳曰齊侯伐晉取朝歌入孟

門登太行道勝帥東陽之師以追之即此也又為晉東

陽之地郡城即齊桓公所築戰國時屬魏故史記曰魏

文侯出征以西門豹守鄴即為魏都也後屬趙秦并天

下為上黨邯鄲二郡之地漢高祖置魏郡理鄴後漢末

冀州之理端緱為冀州牧居鄴其後袁紹曹操曰之建



安十七年冊命操為魏公居鄴黃初二年以廣平陽平  
魏為三郡為三魏長安譙許鄴洛陽為五郡石季龍自  
襄國徙都之仍改太守為魏尹慕容儼于冉閔又自鄴  
徙都之仍置司隸校尉符在平鄴以王猛為冀州牧後  
魏於此立相州初道武幸鄴訪五州名尚書崔光對曰  
昔河置甲居相聖皇天命所相互曰相州道武從之按  
魏書云孝文帝太和十八年卜遷都經鄴都登銅雀臺御  
史崔光等曰鄴城平原千里運漕四通有西門史起曰  
物可以饒富在德不在險請都之孝文曰君之其未  
其二鄴城非長久之地石虎傾前於慕容滅於後國富  
主奢暴成進速敗且西有狂人山東有列人且北東魏  
有相人居子不飲盜泉惡其名也遂上  
靜帝遷都於此改置魏尹又司州改北齊武帝又都焉改魏尹為

青都尹後周平齊復改為相州大象二年自故鄴改移  
相州於安陽城即今理也隋初郡廢而州立煬帝初州廢  
復置魏唐武德元年置相州總管府相州領安陽鄴林  
慮零泉相臨漳洹水堯城八縣二年割林慮置慶州四  
年廢總管府仍省零泉縣五年廢慶州以林慮隸屬仍  
首相縣六年割衛州之湯漳隸屬其年置都督府管相  
慮名黎衛州邢云州九年廢都督府貞觀元年改湯漳  
為湯陰以廢慈州之滏陽安二縣隸屬十年復置都  
府管相衛黎魏沿邢貝七州十六年罷都督府十七年  
以廢黎州之內黃臨河隸屬天寶元年改為鄴郡乾元



元年後為相州梁貞明元年魏博節度使楊師厚平乃  
割相州建節為昭德軍尋軍亂以地歸于後唐莊宗入  
魏遂却為屬郡依曰隸魏州晉天福三年後亦為彰德  
軍節度

皇朝因之

元領縣十一

今六

安陽

鄆縣

湯陰

臨漳

林慮

永定

五縣割出

滏陽

州入磁

內黃

成安

洹水

入已魏府三

臨河

入澶州

州境

東西二百一十五里

南北九十里

四至八到

東南至東京三百五十里

西南至西京五百八十里

西南至長安一千四百四十里

東至魏州一百八十里

南至衛州一百十二里

西至洛州三百五十里



北至磁州五十里  
東南至澶州一百四十五里  
西南至衛州一百五十六里  
西北至遠州三百五十里  
東北至洺州二百二十五里

戶

開唐元戶七萬八千

皇朝戶主一萬七千七百八十九客一萬一百二十六

風俗

自北齊之滅衣冠士人多遷關內惟使伎巧商販及樂戶

以實郡郭由是人情險詖至好今為詐訟

姓氏

內黃郡

扈

路

駱

人物

前漢蓋寬饒 牛牢立志不與光武交

後漢杜喬○審配魏郡人少忠烈有不可犯之節○中

名字景祚魏郡人為復雋冠冕之宗弟胤弟兄復望俱

重○唐傳吳郡人晚天又曆教為太史令武德初上疏

請去佛○杜正倫涇水人隋時弟兄正玄俱以秀才擢

第相高宗至中書令○源乾曜臨漳人為相



土產

胡粉貢 鳳翮席貢 花口胡蘆

紗貢 絹貢

安陽縣舊二鄉今三鄉地即紂之都戰國策云紂將甲百萬左

飲於淇谷右飲於洹水淇水竭而洹水不流按邑地在

淇洹二水之間本殷墟即此地七國時為魏寧新中邑

史記曰秦昭襄王拔魏寧新中更名安陽漢初廢以其

地屬蕩陰晉於今理西南置安陽縣屬後魏即後魏併

入蕩陰隋開皇十年重置安陽縣屬相州○鄴陵山在

縣東十七里劉公幹詩云朝發白馬暮宿鄴陵東魏丞

相高欢破尔朱兆兄弟於此山下仍立碑即温子昇之

詞陳尚書徐陵嘗比使鄴讀鄴陵碑愛其才麗手自錄

之歸陳士人問陵北朝人物何如曰唯鄴陵片石耳○

銅雀臺魏武帝所造遺令○施總帳朝暉宮人歌吹望

台西陵謝玄暉詩曰總帳飄井幹樽酒若平生鬱○西

陵樹詎聞歌吹声云○魏徵宅徵鉅鹿人有宅存後

為唐睿宗睿龍之第景龍四年六月二十四日龍飛於

此宅○南臺後魏書曰東魏遷鄴高城丞相以南臺為

定國寺作博學園極高其銘即温子昇文○鄴宮十六

國春秋云石勒大破鄴宮燒之火旬有五日方滅石虎



建武元年自襄國徙都之至鄴道里相去二百里每一  
舍輒立一宮：有一夫人侍婢數十季龍所起內外臺  
現行宮九四十四所○曹芳宅隋圖經云曹商法名子夏字有  
有景穆寺西有石竇橋○西河按隋圖經云卜商子夏  
因子方段干木所遊之地以魏趙多儒學齊魯及鄒魯  
謂此為西河非龍門之西河也○愁思崗隋文帝改曰  
崇義崗○洹水：經云西自林慮縣界流入東經殷  
墟北○魏郡城即漢似來為郡之所故城在今縣東北  
○鯨堤堯臣禹之父所築以捍孟門今謂三女城是也  
○涼馬臺鄴城記云安陽涼馬臺即石季龍造以涼馬

名之○高亭搜神記云相州安陽縣南有亭宿者輒死  
後有書生宿夜半有人看皂衣來呼亭主此有宿客耶  
曰然音嗟而去又有一人衣赤衣來問如前移時無復  
來生乃呼亭主問之向黑衣者誰曰北舍猪母赤犢者  
誰曰西舍者老雄雞汝是誰曰我老喝也明旦掘之得  
喝之大如琵琶毒長四尺并及猪雞亭遂安靜

鄴縣

北四下里曰

五鄉今四鄉

下本魏國之

鄴邑漢為

且屬魏郡

後漢

建武二年

避

懷帝

懷帝謂改鄴為臨漳且又云石勒諸將佐誘欲都鄴將  
攻三臺張賓進曰三臺險固攻守未可平下於是進柵



襄國歷東魏北齊皆都於此後周置相州後移相州於  
安陽此後為鄴縣○故鄴城在東五十步本春秋時  
齊桓公所築也自漢至高齊魏郡並理鄴縣今按魏武  
帝受封於此至文帝受禪呼為北都○黃髮谷九州要  
記云谷中有冢谷謂佛母冢今牛馬不敢近○濁漳水  
在東北有永樂浦西五里俗謂為紫陌河此即俗  
名為河伯娶婦處○黃水水隋圖注云黃水水經野馬  
崗東南注萬金渠入鸕鷀陂即此水○紫陌橋地理志  
云漳水出上黨鄴中趙武帝於漳水造浮橋接紫陌故  
魏曰紫陌橋之下有天井堰二十里作十二墩○相云

三百步今相滏注即魏都賦云澄流十二同源異口○  
西門橋按鄴城故事云西門豹為令造十二渠決漳水  
以溉民田曰是戶口豐饒今渠一名安津陂奇天保立  
年僕射魏收為碑存焉○西門豹祠隋圖經云豹祠在  
東東南七里北臨太平渠○佛圖澄冢澄死葬於此經  
丹閣開視了無骸骨又鄴中記云澄死後有人於陔上  
見之石虎令開視唯有一石虎曰石者朕也葬我而去  
吾其死矣果然○鳳陽門鄴城門也按記云魏太祖都  
之城內諸街有赤閣南面西頭曰鳳陽門上有鳳二枚  
其一飛入漳水其一仍以鎖絆其足鄴人曰歌曰鳳陽



門南天一半上有金鳳相飛喚欲去不着鎖絆。○梁期城漢梁期具故城尚存。○玄武苑又有新河水所經。○魏武帝新渠有釣臺曲池焉。○長明潭水從云魏武引潭水入銅雀臺下伏流入城謂之長明溝。○三臺銅雀中臺也。金虎安井南臺北臺也。石虎於上藏冰三伏之月以賜大臣。○魏武於銅雀園西立三臺。魏都賦云三臺列峙而崢嶸。○石虎故城帑於正殿冬月施流蘇斗帳用大小明光博山文錦祿以房子綿施屈勝屏風燒集和名者香。又於魏武故臺之大武殿窓戶死轉畫作雲氣擬秦之阿房魯之靈光流蘇染烏羽為之以五

色線編蒲心薦席。又棟宮人有才藝者為女尚書。八座侍中初言首約端直侍。又作戲馬。今人立於馬上屈一脚馬上立書而字皆正好。又水伎見作獼猴形走馬或。在頭尾以側縱橫名為猿騎。又作金龜吐酒於殿前金罇可容五十斛。供正會。又金華殿後作皇宮釜室九危。御水之象。又種双長生樹。根生於室下枝葉交於棟上。是先種樹後立屋。安玉盤容十斛於二樹之間。又皇后出從女騎千人為鹵簿。脚着五文織成靴。手握雌黃。腕轉弓。又作雲母五明金薄黃雉等扇。又虎每獵看金線織成合欢袴。○天樂寺石虎曰佛圖澄造寺內有文石



香爐即澄所執供養者又有鳴鶴飛龍等舟。三陵即魏武帝文兩甄皇后三陵。○華林苑石季龍於萬人采苑垣周旋數十里天暴雪三界凍死數千人太史奏非時雪降此災異乃誅尚書宋執以塞災焉齊時名遊豫園鄴中記季龍於華園中植象果人間名果悉有之季龍作蝦蟇車四搏掘根去一文深一文合二載車中植之無不生。○凌雲城。○金花州。○光碧堂。○飛雲殿。○御宿堂。○五迴路。○摩蕪島。○杜若州。○貧人村以上皆華林苑中

湯陰縣

南四十里  
北十里  
東三里

○古美里之地在七國時魏之湯陰

縣地漢以為湯陰縣屬河內郡湯晉因湯水為名晉屬魏即後魏省隋開皇六年復於今縣東十七里再置湯陰縣十年廢入安陽縣唐武德四年分安陽置湯原縣屬衛州六年改屬相州貞觀元年復為湯陰從漢日名。○湯水在縣治北源出縣西牟山去縣三十五里。○美里一名牖城在縣北九里即紂拘文王之所城北臨矚水夏曰夏臺山曰美里周曰囿圉皆園工也。○浣衣里晉侍中嵇紹葵所按鄴中記惠帝師敗湯陰千官皆走獨紹端冕帝側以身捍主遂至見害血濺御衣及事寧左右欲究之帝曰此稽侍中血勿去也詔縣南因名此



地為沅水里。○美里源出县西北山下，水經云：美水經  
美城，過美水為牖里。牖與美同。○防城岡經云：湯陽縣  
有防城，即紂囚主文王於美里，築此城以防之。後因曰  
防城。○長沙溝一名師互溝，在县南二十里。  
永定縣東四十三里，西十本漢內黃縣地，晉置長樂县，高齊  
省入臨漳县。隋開皇十八年分臨漳、洹水二縣於此，重  
置長樂县。漢十八年改為免城，县曰免城，可居此城為  
名。唐末改為永定县，宋梁開平中改為長平，後唐同初  
妻為永定。○洹水在縣北四里。○丹朱墓在县東一里  
免之子也。○幕陽聚故城在今縣東左，氏傳晉荀盈如

奇逆，女平於戲陽。注云：內黃县戲陽城，幕與戲同字。

臨漳縣

州北六十里，西二十里，東二十里，南二十里。

今漢鄴縣地，東魏靜帝分鄴县於

鄴城中，置臨漳县。周武帝平齊，建德六年自鄴城移臨

漳，今所屬。魏即隋開皇三年改隸相州。○東山在县西

南十五里，東魏高澄於此積土為山，引萬金渠水為池，

作遊賞之處。周平齊，理池毀山。○鸞鵠陂在東南三十

里，并洹水同利。○衣紹墓在县西北十二里。○平陽故

城，竹書紀年：梁惠成王敗邯鄲之師於平陽。

林慮縣

西一百一十里，東一百一十里，南一百一十里，北一百一十里。本漢隆慮縣，屬河內。即應劭注曰：

以隆慮山在北，後漢避陽帝諱，改為林慮。魏屬朝歌，即晉



屬及郡後魏太武帝首入鄴且文武復立又於此置林慮郡高齊郡廢後周平齊復置林慮郡隋開皇三年置郡十六年於此置慶州大業二年廢慶州又為縣唐武德二年復置慶州五年廢以縣屬相州按縣城東魏天平元年梁又漢志注云陰慮有缺官今縣側近山並多鐵錒可以鑄鼓○陰廬山一名林慮蓋隋且改也在縣西二十里山有三峯南第一峯名仙人樓高五十二丈下有黃花谷北麓出瀑布水下注成池黃花谷西北有洞穴去地千仞下有小山孤竦謂之玉女樓其南第二峯名玉女臺高九百丈其山北第三峯名魯盤門注水徑云

倉石梁東北迤魯般門其門西闕昂藏石壁霞舉其北有扁橋即林慮之嶠嶠北攢固也南接太行北連恒岳又有馬鞍山栖霞谷又按顧修內傳曰嶠嶠字仲產有二子曰璋曰瑋師事仙人慮子基於危慮山栖霞苦教二子清虛之術服飛龍藥一九千年不飢故魏文帝詩曰西山有双童不飲不食謂此也○黃花谷水出縣西北黃花谷北崖山高二十里去地七里懸水東南注壑直馮巖下狀若雞翅故謂之雞翅洪蓋天台赤城之流也其水東流至谷口潛入地下十里復出名曰柳渚是黃花水重源再發也東流注於洹水其谷貌為黃花



谷內有仙母冢顏修內傳云仙母即仙人王津母也墓  
前有大樹九株存又水經云黃花谷西北有洞穴謂之  
圣水窟○洹水出县西北俗謂安陽河即声伯夢涉之  
所源出林慮山東平地○王母祠隋圖經云王津母有  
廟每春三月飛花盛簪冠於廟宇○

太平寰宇記卷第五十五

太平寰宇記卷第五十六

河北道五

衛州

磁州

衛州

衛州理今郡今禹貢冀州之域後為殷都在今州東北七

十三里衛繫界朝歌故城是今州理即殷收野之地周

武王滅殷分其畿內為三國邠紂子武庚廩管叔尸之

衛蔡叔尸之以監殷人謂之三監武王崩三監及淮夷

叛成王既伐管叔蔡叔以殷餘民封康叔為衛侯今東郡之



黎陽河內之野王朝歌皆衛之分其後丁五葉懿公為狄所滅齊桓公封更於楚丘今滑州衛南黎是也其河內殷墟更屬於晉後又屬晉戰國時屬魏秦屬河東屬郡漢為汲縣地屬河內郡魏黃初中置朝歌郡屬冀州晉武帝改朝歌為汲汲郡乃屬冀州後魏靜帝移汲郡理枋頭城枋頭城今在衛縣界又於汲縣置冀州以處歸附之人周武帝改冀州為衛州大業三年改為汲郡唐武德元年為衛州二年陷竇建德四年賊平仍曰領衛清淇陽陰三縣其年廢冀州以汲縣屬六年以湯陰屬相州貞觀元年州移治於汲縣大廢殷州以共

城新鄉博望三縣屬六年廢博望縣十七年廢清淇縣其年又以廢黎州之黎陽縣屬天寶元年改為汲郡乾元二年復為衛州

元領四縣

汲縣

新鄉

衛縣

共城

州境

東西二百三十六里

南北一百四十四里

四至八到

東南至東京一百三十五里

西至西京三百九十里



至長安

東至

西至懷州三百五十里

南至

北至

東北至澶州二百五十里

東南至滑州一百三十二里

西北逾山至澤州陵川縣二百四十里

正南渡河至鄭州二百三十里

戶

唐開元戶三萬六千

皇朝戶主八千五百一十四客一千九百六十八

風俗

十三州志云朝歌紂都其俗歌謠男女淫縱猶有紂之

餘風存焉

姓氏

黎陽郡四姓

藎

桑

衛

栢

人物

卜商衛人口杜詩河內汲人為甫陽太守方之召信臣  
號杜母也○何長字子平朝歌人隱居不在謙易至境



益卦喟然嘆曰吾已知富不貧貴不如賤但未知死何  
如生耳。孫登汲都共人。張弼字巨秦。城武德城  
石勒攻得之。張曰當活健見何以殺也。勒拔為牙門將

土產

綠布

絹

及睢今曰三鄉鄉本紂之都近郊十三里乃武王戰於牧野  
即其地漢為縣屬河內郡魏立郡於此後魏於此置豕  
州及五城郡五城縣周改豕州為衛州唐廢五城郡其五  
城縣屬衛州隋開皇三年改五城縣為汲縣大業二年  
改屬汲郡唐武德元年重置豕州及縣屬焉四年廢義

州縣屬衛州貞觀六年衛州自衛縣徙治河於汲縣。○  
蒼山在縣北十五里。鄭元注水經云山西蒼谷弓蒼玉  
岫石故為名焉。○博望崗在縣東北五十里。接內黃西  
界上有石墳云是張騫冢非也。有二石柱俗云故原武  
并農高府君之神道。呼為石柱。因。○鉞。秋。立。春秋衛太  
子登鉞立是也。○青水在縣北三里入於河。○黃河西  
自新鄉界流入經縣南去縣七里謂之棘津。古謂石  
濟津故南津也。春秋僖二十八年晉伐曹。在衛東道  
于衛。人不許。還自南津。濟宋元嘉中遣宣威將軍桓  
護之以水軍守石濟。即此也。○孝子祠。後魏書云鎮西



將軍履侯事道於汲且置之堂宇鐫石為老子像而祠之。太公廟在縣西南二十五里水經云汲城東門北側有太公廟。前碑云太公望者河內汲人又有太公泉。鳳臺曰鳳所集為名。○襄王陵魏襄王之陵也漢初有人於冢中盜金得行簡書十餘萬言今名為汲縣冢書是此陵所得。○北干墓在縣北十里餘有石銘題云殷大夫比干之墓魏太和中孝文皇帝南巡親幸其墳乎烏刊石於墓。○鄗城三盜之鄗城今在縣東北十三里。○霖落泉在縣界

新鄉縣 西九里今四里 本漢汲縣護嘉二縣之地漢書武

帝將辛緹氏至汲且之新中鄉即此處也隋開皇六年於兩縣地右新築泉城中置新鄉且屬衛州取新中鄉以為名新泉城本古國時燕樂安王臧所築唐武德四年屬殷州貞觀元年廢殷州且還衛州。○清水古縣北十里西自懷州獲嘉縣流入并淇水合東入白溝酈元注水經云黑山且在北自鹿山東清水所出。大河西從絳郡界入懷州東又入當且界南入洛陽即龍門也。○清渠西魏郿朝歌且界入分為二派一在郿東一在郿西俱南流入河酈元注水經云淇水南與清水合而入白溝石會宿胥皆故滹之名。○古汲城在且東北四十



里八〇。鄗城在縣西南三十二里。即鄗國也。故獲嘉城。冀州圖云。漢武元六年。上幸汲郡。新中鄉至此。聞得呂嘉首目。以獲嘉名。縣即此處。在今縣西南十里。古城存。高齊天保七年。移獲嘉於今。其城西。此城遂廢。臨清宮。閔在縣東北四十八里。自河內入汲郡。大驛。修。延津。關在縣東南三十五里。東南過河入滑州大路。延津城。左氏傳。鄭伯弟叔段。侵鄭。至於廩延。杜預注。汲云。即南城。有延津城。魏志。太祖使于禁。將守延津。以拒袁紹。即此城也。萬戈城。在縣界。

衛縣

東北九鄉今四鄉

日本古朝歌也。即紂之都。烏有故城在

今縣西二十二里。史謂記之。殷墟。淮南子云。墨子不入朝歌。是也。漢為朝歌。屬河內。即魏黃初中。朝歌縣又屬朝歌。即晉武帝改為汲。即隋開皇三年。罷即。屬衛州。大業二年。改朝歌。為衛縣。仍置汲。即於縣治。延津。在縣西二十六里。魏志。曹公遣于禁。渡河守延津。即此地也。黑山。一名黑山。在縣西北五十里。九州要記云。黑子昔居此山。採茯苓。餌五百歲。或老。或死。魏志。漢獻帝初平二年。黑山賊于毒。白統。眭固等。十萬餘眾。以掠魏郡。弓黑山賊。方山水。經云。方山在衛縣西。以山四方。故曰方山。蘇門山在縣西八十一里。蘇門山一名蘇嶺。俗名五炭山。魏氏春秋云。阮



籍見孫登長嘯有鳳皇集登所隱之處故号登為蘇門  
先生。朝陽山在縣西南四十里。同山在縣東十九里。倉  
山在縣西五十里。西丹蒼泉水相接。錫盆水一名盆水一名  
錫水。涼出。縣西北四十里石坎下。灣屈似盆。其味如醴。  
故名錫盆水。其水流可百餘步。北岸有盤石。馮空南枕  
盆水。厯盤石之下。東流。其盤北連高阜。維元陽石常潤。  
率每時雨。開霽。輕津散垂。滴盆水。泠泠可聽。旬方絕俗。  
呼此石為漏天桶。自北東流五十許步。有飛泉出於南  
岸。懸注盆水。又謂小瀑布。俗謂之北流泉。烏。卷水。  
經云。卷水出魏郡朝歌。白菑。冀州圖云。白菑起衛在

在縣南。出大河北入衛。即。其口水出共山。東至今縣  
西一里。過。又南流二十三里。與清水合入河。謂之淇水。  
口又北。征道里記。枋頭城。故虞國之陰。淇水從其後。清  
水經其前。是。枋頭城。冀州圖云。枋頭城在縣南。去河  
八里。對酸枣。棘津是也。即漢建安中。曹公於淇水口下  
大枋木以成堰。過淇水。東入白菑。以通漕運。故時人多  
其處為枋頭。昔太和四年。大將軍桓溫北伐慕容暉時。  
亢旱。水道不通。鑿距野三百餘里。以通舟運。自清水  
入河。暉將慕容垂將八萬來拒。溫大破之。逐至枋頭。會  
軍糧竭。盡焚舟。步退。垂以八千騎追之。溫戰敗于襄邑。



亦謂此也。後行代寇，鄴改枋頭為永昌。十六國春秋日晉列年之救，晉上慕容垂，慕容帥師至枋頭以拒之。知晉軍盛，乃退。後魏帝移及郡理此。鹿臺在縣西二十里。帝王世紀云：紂造飾以美玉，七年乃成，大三里，高千仞餘。此宛然在城內，即紂自殺火處。紀年曰：武王擒紂於甫，單之臺，蓋鹿臺之異名耳。死城在縣北四十里，有沙丘臺，俗稱妲己臺。又東二里，有館，其水有上宮臺。詩云：要我乎上宮，即此也。立縣在今縣西北二里，即古項丘。今置通靈觀。永昌故城，隋初置永昌縣，大業中廢。故城在今縣之西。朝歌故城在今縣西二十二里，紂之

所都。漢曰為，後魏移朝歌於今衛縣東之一里。北城因廢。糟江酒池，冀州圖云在朝歌南一里，土人依約識之。陽河水在縣西北平地，即紂飲朝涉之莊處也。

共城縣 東北六十二里 本共伯國也。故城在縣東一百十步。

尚存魯連子云共伯名和，好行仁義，諸侯負之。周厲生魯道，國人作難，流王於彘，諸侯奉和以行天子事。至十四年，厲王崩於彘，共伯使諸侯奉王子瑒為室王。而共伯復歸于國。漢以為共伯屬河內，即魏屬朝歌。及後魏屬林慮，即高齊天保七年，首共伯，乃移就獲嘉。共伯古城以處之，復為獲嘉。共伯屬隋開皇四年，移獲嘉。共伯於修武。



故城於此又置其城縣曰此添城字以屬衛州○白鹿山在縣西北五十三里西并太行山連接上有天門谷百家巖廬思道西征記云孤巖秀出上有石自然為鹿形遠視皎然獨立厥狀明淨有教人工故此山以白鹿為稱又水經云長泉水源出白鹿山○其山在縣北十里關駟十三州記云昔共伯得歸於國道遙得意於共山之首○光山向長字子平得仙之處長常滿易至益卦曰吾知貴不知賤富不如貧未知死何如生耳○老子山在縣東南二十里○天門山在縣西五十里酈元水經云石門山石自空狀若門焉又九州要記云天門

山有三水皆康採藥逢孫登彈一絃琴即此山○百門陂在縣西北五里方五百步許百姓引之以灌稻田出米明白香潔異於他稻魏齊以來常以薦御陂南通漳水○五穴水經云苑水上承淇水東流歷五軍東北得曰石澗故五水分流世号五穴口○故凡城古周公子凡伯國也左氏傳曰凡蔣邢茅昨蔡周公之胤在今縣西南二十二里○羅門按郡國志道記云其城縣理西北六十里大山中有羅門即山峽陸東之所也內有南羅中羅北羅三城各相去六七里其川南北約二十里東西約十五里西向並高山可為樞道之地○隋城蘇忿生



十二邑此其一也。王莽城後漢王莽築之在今縣西北八十五里。凡有三城如馬足尚存焉。沮如山在具西淇水出此山口共叔段墓。九尾泉並在邑界。

### 磁州

磁州理磁陽郡今本漢魏郡武縣地周武帝於此別置磁陽縣又成安郡隋開皇十年廢郡於縣置磁州以昭義縣界有磁石山出磁石曰取為名大業二年廢州以縣屬相州唐武德四年復置磁州領磁陽臨水成安三縣四年割洛州之臨武安即戰肥來屬六年置磁州總管府領磁州洛黎相衛六州其年廢總管府以臨

名武安肥鄉三屬縣洛州磁州領磁陽成安即郭三縣貞觀元年廢磁州以磁陽成安屬相州以即郭入洛州永泰元年六月昭義節度使薛嵩請於磁陽復置磁州領磁陽武安昭義即郭四縣天祐三年勅以具西磁州同名改為惠州天祐十三年却漫為舊磁字

### 元領縣四

磁陽

即戰

武安

昭義

### 州境

東西一百七十里

南北一百一十五里

四至八到



東至東京四百里

西南至西京七百里

西南至長安一千五里百

東至魏府一百八十里

西至潞州三百八十里

南至相州六十里

北至名州一百一十里

東南至相州鄴縣二十七里

西南至相州鄴縣界七十五里

東北至名州一百一十里

西北至遼州四百三十三里

戶

舊無戶籍

皇朝戶主一萬三百零八千三百二

風俗

與洛州同

人物無

土產

磁石

磁毛

滏陽縣 舊六鄉 今五鄉 本漢武安縣地 屬魏郡 魏黃初三年分武



安立臨水縣屬廣平郡以城臨滏水故曰臨水又以城  
在滏水之陽亦曰滏陽周武帝于此別置滏陽縣屬成  
安郡隋開皇三年廢郡縣屬相州十年於此置磁州滏  
陽屬焉大業二年廢磁州縣屬相州唐武德元年重立  
磁州縣又割屬焉○鼓山一名滏山宋永初古今山川  
記云鼓山有石鼓形二所南北相當俗語云南鼓北鼓  
相去十五里州圖云鄴城西有石鼓二自鳴即有兵魏  
都賦云神鉦迢遞于高壘是也高齊末鼓鳴未幾云鄴  
城有兵而齊滅隋文季年又鳴聞數里也隋圖經云滏  
口山磁石山本草云磁石鉄之雄今有出石鼓山者又

魏地記云滏口山即魏帝遊擊表尚此於○八陞第四曰滏  
口陞山嶺高深實為險阨○滏水自林慮縣流入有石  
潭渠焉○滏水源出縣西北鼓山南麓下泉源奮湧滏  
之揚湯故以滏口名之其水冬溫夏冷山海經云滏水  
出神茵之山也○九侯城一名鬼侯城在縣西南五十  
里蓋紂時鬼侯為紂所殺也禮記曰晡鬼侯謂此也按  
隋圖經云臨水具分侯城即司馬彪注云鄴西有九侯  
城蓋鬼侯國是九一作鬼○東魏二陵即大司馬孝靜  
帝父并靜帝二陵也隋圖經云在里東即武城西北大  
岡齊高天保末諱諸元子孫欽平元氏二陵壓殺數十



下遂止。○高齊神武陵在東魏二陵之側去縣三里今  
有天鹿石闕尚存。○岐安冢隋圖經云岐安冢在魏武  
陵東三里安死後每鬼語其子逸云吾冢近武帝陵見  
文伐為吾辭改逸等即以碑碣勒石謝乃止。○石季龍  
墓在縣西南十四里。○佛圖澄墓在縣西南十七里。○廢  
安州城在縣東北六里周建武六年置州隋開皇三年廢  
武安縣西北九十五里本漢縣地七國時趙地趙將李牧封  
武安君即今果也漢屬魏郡魏屬廣平郡隋開皇三年  
屬相州十年割屬磁州大業二年廢磁州屬洛州唐隸  
磁州。○武安故城在縣西南五里六國時趙邑也史記

趙屠之救閼丹秦軍鼓譟武安屋瓦皆振即此也。○錫  
山上海經云錫山其上多玉牛首之水出焉。○三門山  
在縣西北八十里有三足峻峙如門。○百尖山在縣西  
四十里。○四見山在縣西二十里。○楮山在縣東西十  
八里出楮土。○紫山在縣東三十里唐天寶六年改為  
朱衣山下有水北流中有鮎魚石朱衣鮎鱗色若金腸  
似朱。○洛水本名漳水源出縣西北三門山下去縣八  
十三里水經云洛水出易阳县西山按隋圖經云晉惠  
帝敗於湯陰之歲烏桓鮮卑掠鄴城婦女悉沉於洛水  
即此河也。○白鴉水在縣西北八十五里



邯鄲縣東北七十里今衛地後屬晉七國時為趙都趙敬

侯章自晉陽始都邯鄲至幽王遷降秦遂滅趙以為邯

鄲即邯山名邯盡也邯山至此而尽城郭從邑故鄲字

加邑魏以為縣屬廣平郡隋開皇十置磁州邯鄲屬焉

大業二年廢磁州縣入洺州唐重置磁州縣還來屬○

邯山在縣東南五里○靈山隋圖經云趙武靈王登靈

山曰以石鑿人馬之形其下有井以石覆之峪呼靈井

○牛首水在縣西北三十里又名曲河源出縣西前南

平地漢書地理志云堵山牛首水出○温明殿漢趙

王如意所造其殿即世祖畫殿此殿歇弁入造牀下

勸帝即位於此○叢臺在縣內東北隅冢墓記云在小

城內○洪波臺在縣西三里○漢縣名也歸詩外傳云

周舍死後簡子每大夫飲於洪波臺酒酣泣曰吾聞千

羊之皮不如一狐之腋衆人之唯不如周舍之誇○

阮籍詩云朝登洪波臺日夕望西山○石子崗隋圖經

云歷陵城西十里有石子崗實山也而高大有冢如硯

子世謂之硯子冢是趙簡子冢石虎令人發之初得炭

深一丈得連木板厚一丈又高八尺次得泉水○清冷

非常合牛皮為囊作絞車以汲之一月而水無極乃止

築城統之氣成樓閣○厨宰城隋圖經云叢臺在丙○



千將城在縣東二十二里洺州記云城南門外有千將  
劍壘及萍劍池。趙簡子臺在縣西十二里。公孫杵臼  
程嬰墓在縣西十五里。趙奢墓在縣西北七里。樂  
毅墓在縣西南十八里。蘭相如墓在縣西南二十二里  
昭彖縣西三十五里元二鄉魏黃初三年於今滏陽縣置臨水縣北  
齊天保元年移理松谷周武建德六年移理故城即  
今涉縣是也隋開皇七年移於西戎十年移於今理唐  
武德六年廢永樂元年再置仍改名昭彖。滏口泉在  
縣西一里半出鼓山南脚流至。漳河在縣西南四十  
里從路州涉縣界至

校勘

衛州 縣 序

其年廢義州

按又新唐書地理志武德元年以後魏郡置義州  
四年州廢以後永高今記不書置義州但書廢故

太平寰宇記卷第五十六州為衛州之文似相抵牾

又廢成州



殷墓在縣西南十八里。周相和墓在縣西南二十二里。

昭平縣在縣西南二十六年於今登陽縣置臨水縣北

奇天保元年移理松衣周武建德六年移理故城即

今汝縣是也隋開皇九年移於西戎十年移於今理唐

武德六年廢宋元年并置仍改名如善。谷口泉在

縣西一里半出穀山南脚流至。東河在縣西南四十

里從路州沙縣界至

校勘

衛州 總序

其年廢義州

按又新唐書地理志武德元年以汝新鄉置義州

四年州廢以汝來屬今記不書置義州但書廢故

亦上文周帝武改義州為衛州之文似相抵牾

又屬殷州

按新唐書地理志於獲嘉置殷州在武德四年

今記不書

新鄉縣



延津城杜預注云及郟城南有延津  
按杜注本文云陳留酸枣城北有延津今乃云及  
郟城南以意更之耳酸枣在河南故北有延津及  
在河北故南有延津今記新鄉酸枣皆載延津以  
隔河兩言之也

太平寰宇記卷第五十七

河北道六

澶州

德清軍

通利軍

澶州

澶州

澶州今理

本漢頓丘縣地在魏州之南當兩河之驛

路今阜北石陰安城是也唐武曩四年分魏州之頓丘

現城二縣于今理置澶州取古澶淵為名又分置澶水

縣至貞觀二年廢澶州以擅水且依曰屬黎州頓丘觀

城還魏州大曆七年魏州節度使田承嗣又奏置澶州



領頓丘清豐觀城臨黃四具梁及後唐皆以刺史理之  
晉天福三年升為防禦州仍自舊縣移于此夾河造舟  
為梁至九年升為鎮寧軍節度漢乾祐元年移就勝  
塞故基置周世宗又移于今理 皇朝因之

元領縣四 今六

頓丘 觀城 清豐

臨河 相州割到

濮楊 濮州割到 衙南 滑州割到

一縣廢

臨黃 入觀城

州境

東西一百八十里 南北一百六十里

四至八到

東南至東京二百五十里

由南至西京六百七十里

南至長安一千五百里

東渡河至濮州范縣一百十里

南渡河至滑州常城縣一百三十里

西至相州內黃縣七十里

北至魏府一百一十里

東南至曹州一百八十里



西南至衛州二百五十里

北至相州臨河縣八十里

東北至魏府朝城縣九十四里

戶

唐開元戶七千三百

皇朝戶主一萬九千三百一十七客四千二百三十三

風俗

左氏傳吳季子過衛見蘧伯玉曰衛多君子

人物

京房瑗丘人

土產

角弓 貢

鳳翽草

出桑白皮

茅香

香附子

胡粉 貢

瑗丘縣

舊三十鄉今五鄉

本漢曰縣也因縣東北瑗丘為名屬東

郡故詩曰送子涉淇至于瑗丘即此也旧城在今縣北

詔之陰安改城晉為瑗丘即隋屬魏郡唐武德初割屬

澶州州廢還魏大曆七年正月勅魏州之瑗丘縣又置

澶州即今郡理晉天福三年隨州移于今理所○秋山

在縣西北三十五里山海經云帝嚳葬于秋山陰今陵

見存○鮒鰕山在縣西北三十里今名廣陽山山海經



云顓頊葬其陽九嫔葬其陰四地衛之鮒鯤山者蓋今  
廣陽山之別名也按郡國志云顓頊所葬俗名青冢山  
焉○干城郡國志云衛縣有干城衛詩所謂去宿于干  
○五孝城孫盛雜語曰五郡孝子中山魏郡鉅鹿趙國  
人也並少去鄉里孤無父母所托相遇于衛國因結兄  
弟朝夕相事財積數萬乃于空城見一老母以掃糞為  
事兄弟並拜為母○衛大夫祠在縣北十里戚城東即  
仲由也左氏傳杜預注子路為孔悝邑宰今廟在此○  
泉源祠在縣東北二十五里故衛詩云泉源在左淇水  
在右衛女思歸之処也○鉄丘在縣西北五里按春秋

晉趙鞅納衛太子蒯瞶于戚而鄭戰蒯瞶登鉄丘而望  
之蒯瞶懼自殺于車下杜預云鉄丘名也今縣北十里  
有蒯瞶臺○孔悝墓在縣北三里春秋云孔悝為衛卿  
○顓頊墓在縣西北三十里○帝嚳陵在縣西北三十  
里○王莽河在縣北十里上接清豐縣界下入南樂縣  
界○淇水在縣北五里上接清豐縣界下入觀城界○  
金堤在縣北十里上接清豐下入南樂縣界  
觀城縣東北七十五里漢畔觀縣古之觀國左傳曰襄  
有三苗夏有現扈國語注曰觀國夏啟子太康之地弟  
所封在衛與夏衰滅之後以為縣屬東郡後漢改現為



衛國縣屬東郡隋開皇六年改衛國縣為觀城縣屬魏郡唐武德四年以觀城屬澶州州廢還魏大曆初復隸澶州○敦丘在縣南二十里爾雅云一成為敦丘○收窪池在縣五十六里古老相傳衛靈公養窪之地○委粟城在縣東南六十七里漢書云王翁孺免歸為委粟里之老即此地也○衛靈公墓在縣東南四十二里○廢臨黃具在縣東七十二里本漢觀縣地後漢改觀縣為衛縣置臨黃具以北臨黃海為名屬頓丘郡隋屬魏郡唐武德初割屬澶州州廢還魏大曆初又割屬澶州○黃河南去縣三十里○靈津關今名高陵津在縣東

南三十五里○新臺毛詩序云新臺刺衛宣公也納彼之妻作新臺于河上而要之即此也○黃海西自觀城縣界流入東有山支去焉亦名為黃海東南入角掌海○魏長矣墓在縣南十五里唐貞觀七年追贈定州刺史即魏徵父也

清豐縣西北五十五里曰本內黃縣地唐大曆七年割頓丘昌樂之四鄉于清豐店置因以為名○黃河在縣南五十里○古頓丘縣在縣東南十五里後移入澶州此城廢○金堤上源在縣南四十五里古老傳云金堤頭上有秦女楼下入頓丘縣界



臨河縣 東六十五里 舊十二鄉 今三鄉 古東黎縣地 魏孝昌年分及郡置

黎陽郡領縣三 黎陽東黎陽丘 此即東黎也 齊屬司州

周建武十年改司州為相州 隋開皇五年郡罷置臨河

縣南臨黃河為名 唐武德二年重置黎州 屬焉 貞觀

十七年廢縣 隸相州 天祐三年屬魏州 晉天福九年隸

澶州 澶淵在縣東南十七里 在黎州東北八十里 左

傳公會諸侯于澶淵 淇河亦名王莽河 冀州圖云河

水西徑河內郡界入至黎陽而東北至臨河西十四里

至王莽河出焉 又東經澶淵東入武陽河南 即東郡界

○黃河南去縣五里 ○磁泉土地十三州志澶水在頓

丘西南三十里 伏流至縣城西南 ○顓頊廟在縣東九

里 太和四年立 在顓頊城 皇朝乾嘉六年重脩 ○旄丘

在縣 四十步 衛詩旄丘責衛伯也 旄丘之葛兮 何誕

之節兮 ○永濟渠在縣西北三十三里 自黎陽入界東

北入魏州內 黃界 隋大業六年增修 今名御河 ○廢澶

淵縣在縣東四十里 隋開皇十六年割臨河內黃頓丘

三縣置澶淵 具南臨澶淵 春秋諸侯之卿會于澶淵 杜

預云澶衛地頓丘 西今名縣源 武貞四年以國諱改名

澶水 貞觀十七年廢入臨河縣 ○顓頊城在縣東北三

里 歷代帝紀云顓頊居高陽 故曰高陽 代皇甫謐帝王



世紀曰相土徙高丘本顓頊之墟唐陶氏火正閼伯之所居左傳云閼伯居高丘祀大火相土因之高王大火故辰為高星于周為衛地衛遷于帝丘杜預云帝顓頊之墟故曰帝丘○古淇水在縣東南五里黃河北岸東經貝界三十五里入清豐具詩曰籊、竹竿以釣于淇又云瞻彼淇與綠竹猗猗、即此也按山海經云沮如之山淇水出焉○復閼堤在具南三百步黃河北岸衛詩云登彼坳垣以望復閼即此也○鮪堤在具西一十五里自黎陽具入界克命鮪治水築堤無功其堤即所築也○五女墓高五十尺在具西北三十里淳于公無子

有五女公卒五女葬之于此漢書刑法志文帝十三年齊太倉令淳于公犯罪當死公乃歎曰生女不生男緩急非有益其女緦紫隨父至長安上書求入為官婢贖父刑文帝感之除肉刑赦淳于之罪後卒五女共葬于此漢陽縣城東門外本漢縣也屬濟陰古之昆吾國即帝丘顓頊之墟左傳又曰衛侯夢于北宮見人登昆吾之墟即此邑之地亦衛侯自楚丘遷于此城魏天保三年移濮陽具于此隋開皇十六年又於顓頊城內置昆吾具至大業二年改昆吾縣為濮陽晉天福四年詔移于澧州之南部為理所○上宮詩曰期我手上宮即此地



也。○瓠子口漢武子塞瓠子河口沉白馬玉璽將軍已下皆負薪在渠西南十七里河津是也。○董華臺王孫子曰衛靈公坐重華之臺侍御教百隨珠照日羅衣從夙仲叔圍諫曰昔桀紂行此而亡今君寤妾無乃盛歟靈公乃去宮女百姓大悅焉。○衛陽山在縣東南二十里居衛之陽。○瓠丘在渠東南三十里高三丈祀檀公云公叔文子升于瓠丘蘧伯玉從文子曰樂哉斯丘也死則我欲葬焉伯玉曰吾子樂之則瓠請前注云二子皆衛大夫。○延丘在縣東四十里左傳襄二十九年延陵季子適衛悅蘧伯玉等曰衛多君子未有患焉蓋

季子慤于此丘。○龍淵宮在縣東十里坤元錄云濮陽縣有故龍淵宮俗名瓠子宮漢書河決瓠子漢宮起宮于決河之傍又云濮陽縣西南八里有古龍淵有決口故道蓋古之龍淵宮也非築宮之南。○五鹿城在縣南三十里左氏晉伐衛取五鹿即衛地也。○汲黯墻在縣西南六十里黯濮陽人也自淮陽太守歸葬于此。○昆吾臺在顓瑊城內高二丈按日罔經左傳五伯之霸夏伯昆吾商伯大彭豳周伯奔桓晉文是也。

衛南縣南六十里日十鄉今五鄉衛文公自曹邑遷楚丘即此城也漢為濮陽具地隋開皇十六年于此置楚丘縣屬滑州



後以曹州有楚丘改名衛南縣此在衛之南重故以名  
縣今屬澶州。九里溝在縣北五里源從白馬縣東界  
內入當具隋開皇六年通。古白馬城在縣西二十里  
建安五年曹公東征先主奔袁紹曹公擒關羽拜為偏  
將軍紹遣穎良攻劉延于白馬曹公使羽擊之羽刺殺  
良于萬軍之中遂解白馬之圍。故鉏城在縣東十五  
里左氏右界自鉏迂于宄石即此也。洹城在縣東南  
二十八里詩曰思洹與澶注洹衛邑也。楚丘城在縣  
西北四里詩云定之方中作于楚宮城家記云齊桓公  
築楚丘之城即此也。成公綏墓在縣西南二十里高

三丈晉書成公綏晉中書令其先漢東郡人

德清軍

德清軍 理陸家店地 本曰澶州晉天福三年移澶州于莫勝

塞乃于舊澶州置頓丘鎮取具為名至四年晉幸天雄  
軍改鎮為莫清軍開運二年十一月又移德清軍于陸  
家店置在新澶州之北七十里。王莽河在城西南五  
里。堯堤在城東南五十里。金堤在城東南五里。  
潛龍院後唐明宗潛龍宅在旧澶州其僧院隨軍移至  
此

軍境



東西

四至八到

南北

南至旧澶州二十五里至澶州七十里

北至長樂二十五里至魏府七十里

東至金堤四里

西至沙河一十里

東南至观城縣三十五里

西南至清豐县二十里

東北至水北鎮五十里

西北至庫固鎮一十五里

戶

皇朝管戶主八千八百三十八

土產

並在澶州述

通利軍

通利軍

理黎陽县

本黎陽縣唐屬衛州晉天福中割隸滑州

皇朝雍正四年割屬澶州端拱元年建為通利軍縣

仍屬焉

軍境

東西四十里

南北四十八里

四至八到



南至東京二百三十五里

西至西京六百五十里

東至白馬縣隔黃河二十五里

西至衛州衛縣五十七里

南至白馬縣隔黃河二十七里

北至澶州臨河縣四十三里

東南至白馬縣黃河中心一十五里

西南至衛州衛縣界二十里

東北至澶州臨河縣界二十里

西北至相州湯陰縣界四十五里

戶

皇朝管主客一千三百六十

土產

絲 絹

外無藥物

黎陽縣

今二鄉

本古黎侯之國漢為黎陽縣在黎陽山北

其地夾河為分有冀兗二州之域屬魏郡後魏置黎州

及黎陽郡隋開皇三年州郡俱廢其屬魏州唐武德二

年重置黎州縣屬焉貞觀七年廢縣歸衛州晉天福二

年割隸滑州

皇朝雍正四年割屬澶州端拱元年

屬通利軍○大伾山在縣南七里尚書云至于大伾又



名青檀山今黎陽東山刊澄山川記云古黎國也詩云  
黎侯寓于衛以中露泥中二邑處之因名也○狂人  
山在縣西北三十里俗名上陽三山或云桀殺比干于  
此山因得名○倉城冀州圖云在縣西南隅袁紹聚粟  
之所○黎陽鎮故城在縣東南一里石翟遺城也翟遺  
于此借号唐朝改為白馬鎮○袁譚故城在縣西南一  
百步○曹公故城在縣西南一里是曹公攻譚時所築  
○黎陽津在縣東一百五步一名白馬津史記酈食其  
說沛公守白馬之津以示諸侯形勝之勢則天下知所  
歸矣又十六國春秋慕容苻率戶四萬三千自鄴將徙  
滑臺至黎陽津燕魯王遣船迎苻會風颺船沒魏軍隨  
至三軍危懼欲保黎陽昏而水合是夜濟訖旦而魏軍  
至水亦消泮若消泮若有神助焉苻大悅改陽津為天  
橋津高齊文襄征譙城仍移石濟閘于此即造橋焉改  
名白馬閘周又名黎陽閘○秦弘羊墓在今縣西北隅  
○東夷故城本黎侯之居地一名東夷孤城隋開皇中  
置廩丘縣在鄆城東西十五里故廩丘城是也側近界  
濕城居水阜詩曰胡為乎泥中蓋黎侯寓居之處



太平寰宇記卷第五十八

河北道七

洛州

貝州

洛州

洛州

廣平郡今禹貢冀州之域星分昴宿一度禹貢曰覃

坏底績至于衡漳在今州南肥鄉縣也春秋時為赤狄

之地後屬晉左傳宣公十五年晉荀林父敗赤狄于曲

梁今州理城也七國時屬趙敬侯始都邯鄲至幽王遷

為秦所滅秦兼天下是為邯鄲郡地漢高帝分置廣平



國自漢至晉或為國或為郡永嘉末石勒據有其地  
石代滅又屬慕容儁至於暉滅又屬苻堅後慕容垂得  
山東其城復屬焉周武帝建武六年于郡置洛州以水  
為名隋大業三年罷州為武安郡唐武德元年又改為  
洛州領永年洛水平恩清漳四縣二年隋竄建武四年  
建武平立山東道大行臺又置曲周鷄澤二縣五年罷  
行臺置洛州大總管府管洛衛岩相磁邢趙七州六年  
罷總管以磁州之武安臨洛肥鄉三縣來屬貞觀元年  
又以廢磁州之邯鄲來屬天寶元年改為廣平郡乾元  
元年復為洛州永泰之後復以武安邯鄲屬磁州會昌

元年省清漳洛水二縣入肥鄉平恩曲周等縣

元領縣八今六

永年 平恩 鷄澤 曲成周

臨洛 肥鄉

二縣割出

洛水 入曲 清漳 入肥

州境

東西一百九十七里 南北一百一十二里

四至八到

西南至東京五百五十里



西南至西京七百六十里

西南至長安一千六百二十里

東至天雄軍永濟界九十五里

西至磁州武安縣界七十五里

南至相州一百八十五里

北至邢州沙河縣界四百五里

東南至天雄軍一百二十里

西南至磁州一百二十里

東北至貝州一百三十里

直北落西至邠州九十里

戶

唐開元戶七萬七千七百五十

皇朝管戶主一萬五千一十三客一萬八千八百九十

風俗

燕趙邯鄲風俗丈夫悲歌慷慨多弄物為倡優女子多  
彈絃貼躡隋圖經云今趙代數百家每有祭祀別設客  
位以祀公孫杵臼及程嬰二士歷代相傳号曰祀客

人物

趙勝趙諸公子也賓客數千毛遂趙勝之舍人也以三



寸舌說楚同却秦軍。○廉頗趙之良將也。勇氣聞于諸侯。○藺相如趙人。送璧于秦。不屈節。○李牧趙之北邊良將也。匈奴不敢入邊。封為武安君。○趙奢為馬服君。○石奮趙人。與四子皆二千石。號為萬石君。仁孝文時。土產

平細 絕子 油衣 人參 絹

永年具 知 旧 二 十 鄉 八 本漢曲梁具地。屬廣平國。後魏屬鉅鹿

郡北。齊天保七年。併曲梁縣入廣平具。隋仁壽元年。改

廣平為永年具。避煬帝諱也。屬武安郡。即今縣。趙奢救

閔與秦軍。鼓譟武安屋瓦皆動。即此地也。○馬服崗史

記趙奢為馬服君。受封于此地。○靈山。鳳土記云。靈山

因趙武靈王葬其上。故曰靈山。○鬱山。一名紫山。出紫

石英。菖蒲為仙方所尚。○榆溪山。洛州記云山有榆溪

水。因以名之。○王澤嶺。趙襄子奔晉陽。原過後。至于王

澤。見三人自帶。以上可見。即此嶺。○漳水。鳳土記云。南

易水。本名漳水。源出三門山。西自肥鄉具界。流入趙地。

記云。六國時。此水名易水。埤蒼及水經云。洛水之目。不

知誰改。俗謂山之下地。名洛。因徑之。故曰洛水。按燕趙

記云。其分有三易。漳為南易。○洛水。在具南三里。西自

臨漳縣流入。○鷄澤。在縣西南十里。春秋同盟于雞澤。



今其津魚鼈菱芡州境所資。○廣頰臺在州城南十里  
十六國春秋冉閔遇慕容于恪于廣臺十戰皆敗。○平  
列黑闥壘在縣西南十里。洛水南貞規四年于壘東置  
昭福寺。寺碑岑文本詞。○廣平故城漢于貝置。廢城在  
今縣北。○于將城。洺州記云南有于將城。即于將鑄劍  
并鑪池。俱存。詒訛謂韓子城。○樂毅蘭相如冢並在此。  
平恩縣東北五十三里。舊本漢舊縣。屬魏郡。宣帝以許廣漢  
為平恩侯。魏屬廣平郡。高齊天保七年移在介漳城。今  
洛水縣是也。隋開皇六年又自介漳移在平恩川。即今  
理。○康臺在具東五里。

雞津縣

東北五十三里。舊本漢廣平具地。隋開皇六年于廣

平成置雞津具。大業二年省。唐武德四年重置。○洛漳

二水在具東南二十里。合流東北入平鄉界。○沙河即

渴水。經邑界。

曲周具

東北八十里。舊本漢舊縣。屬廣平郡。高齊為曲周

侯。後屬鉅鹿郡。魏屬魏郡。後魏宣武帝改置曲安具。屬

廣平郡。高齊省。郡隋開皇六年復置。屬洺州。大業二年

省。唐武德四年于曲周故城重置。○漳水在縣西二十

九里。○阿維柘渠在具南四十里。○却閣城。水經云衡

漳水。又北經却閣。西訖此城。○巨橋倉。紂所積。倉尚書



登巨桥之粟是也。○廢洛水具在州西五十里本漢尔  
漳具屬廣平國漳水經其城其地亦鹵故曰尔漳隋開  
皇六年以平恩移入旧地又于此立洛水具即今縣也  
以西濱洛水為稱唐令昌三年正月併入曲周具。○衡  
漳故漳俗名阿維渠在縣西二百步蓋魏將李阿維所  
導故名。○董塘陂在具西北十五里晉老驥將軍刘牢  
之北救苻丕追慕容重大將軍于董塘泉即此陂也。○  
董仲舒祠仲舒廣川人祠在具東五十九里。○嘯父即  
冀州人也在曲周具市申補履數十年人奇之不老  
臨洛具西北五十里旧今三鄉本漢易陽縣也屬趙國魏屬魏郡

晉屬廣平郡後魏省入即鄆具孝文于北中府城復置  
易陽屬廣平郡今理是也隋開皇六年改易陽為即鄆  
具十年移即鄆縣理陟鄉具在今即鄆界仍于北中府  
城別置臨洛具北濱洛水為名屬磁州大業二年割隸  
洛州。○紫山隋圖經云臨洛紫山春夏有紫氣蔚鬱山  
下有石、上莒蒲一十九節岩間有紫石英。○狗山在  
具西十里山頂石上有狗跡因名唐武貞五年太守親  
統戎討刘黑闥于此立營。○鳴犢冢在具西南十三里  
家語曰孔子自衛將之晉至河聞趙簡子殺寧鳴犢舜  
華遂不去



肥鄉縣

東南四十里  
舊三鄉今三鄉

春秋時晉地七國時屬趙今即漢

列人及邯鄲蒲且三邑之地魏文帝黃初二年分邯鄲

等縣立肥鄉且屬廣平郡後魏省入臨漳且隋開皇十

年又置屬磁州十六年割隸洛州○濁漳水上源即清

漳也西自相州成安且界流入○列人故城在且東北

十里漳為縣按汲冢記梁惠成王八年代邯鄲取列人

即此也漢屬廣平國○邯鄲故城俗名桓公城在縣西

北十里○肥鄉故城在且西南二十二里○葛華故城

隋圖經云葛華城俗呼葛鵝城即趙武靈王夫人所築

一名夫人城○平原君墓在縣東南七里○毛遂墓在

縣南七里○廢清漳且在州東南七十里本漢列人縣

地故城在今肥鄉且界隋開皇十六年于此置清漳且

南漢清漳水為名唐會昌三年併入肥鄉且○列人墀

或曰列人墀縣居其上墀即墀類也後魏孝昌中有人

於此掘得破船仍是杉材尚堪用莫測其由蓋是漳水

久積淤泥遂成高岬也

貝州

貝州

清河郡

理禹貢冀州之域星分昴宿五度春秋之時

其地屬晉七國時屬趙秦兼天下為鉅鹿漢高帝三年

韓信出井陘定趙地因分鉅鹿郡地置清河郡以郡臨



清水改号清河理清陽景帝中改為清河國至後漢復  
為郡永嘉亂後石趙移郡理平晉城即今博州清平也  
也苻秦移理武城後魏移清河郡及清和具于漢晉城  
置高奔自唐城移郡及武城縣于今貝州西北十里故  
州城其城即漢信城縣理後周建武六年平奔于郡理  
置貝州郡亦不廢隋開皇三年廢郡以郡所領具屬州  
六年屬武城縣還于旧理自唐武德四年平竇建武復置貝  
州領清河武城漳南歷亭清陽鄆夏津七具六年移治  
所于歷亭八年還于旧治九年以廢宗州之宗城經城

來屬又以廢毛州之臨清來屬天寶元年改為清和郡  
乾元元年復改為貝州咸通元年長史鄭仁凱以旧居  
秋隘移于故州東南十里即今理所晉天福三年升為  
永清軍節度周显真元年降為防禦州皇朝復為永清  
軍節度

元領具十 今五

清河 清陽 武城

漳南 歷亭

五縣割出

夏津 臨清 永濟



宗城 經城

已上五縣入魏府

州境

東西二百四十九里 南北一百九十里

四至八到

東南至東京六百一十里

西南至西京九百六十里

由南至長安一千八百二十五里

東至博州一百三十里

南至魏州二百一十二里

西至邢州二百三十里

北至冀州一百三十里

東南至博州一百九十里

由南至洛州曲周縣一百三十五里

西北至冀州九十里

正東微北至冀州二百六十里

戶

唐開元領縣十戶八萬一千四百

皇朝五具戶主一萬六千九百三十四客三千四百七



風俗

與魏州同

姓氏

清河郡六姓

崔 張

房

尚

傳

靳

人物

崔林字惠瑀清河東武城人仕魏封司空封安陽侯

王經字彥緯清河人為江夏太守將軍曹爽附絳二

千足令市于吳經不發書棄官歸母以經擅去兵馬杖

五十張華宗元宗東武城人父紕奇之以為必起

吾族

房曠字思遠清河人少神氣英俊苻堅問王

猛曰關東多士卿得幾人猛曰二人半堅曰必是申

韓胤一曰房曠曾為流矢傷一目傳永後魏

為安遠將軍平南長史帝曰上馬能擊賊下馬作露布

唯脩期耳張正見清河人年十三敵頌梁簡文深

賞之竇建息清河南漳人代為農夫唐崔龜

從清河人相宣宗朝崔慎由清河武城人高祖融

弟安潛子胤俱為相崔圓清河武城人張文

瓘目州武城人相高宗為大理卿時旬日決疑四百餘

條四子潛魏州刺史沛同州刺史洽衛尉卿汝殿中監



時人謂之萬石張家

崔邠貝州武成人兄弟六人

官至三品

土產

白氊

貢 靴氊 貢絲布

絕

絹

按圖經云清和絹為天下第一

清河

具

旧二叶二 知今四叶二

本周之甘泉市地秦為厝翅非縣漢為

信城具屬清河郡後漢桓帝改為甘陵具故城在今縣

西北續漢書州郡志省信城縣屬清河郡按郡國記云

隋清陽城內有漢清河王慶陵在今郡東南三十里故

厝城是也後漢安帝改為甘陵仍為甘陵國都後國除

復為具晉省于厝城西南七里置清河县魏又移清河

具并清河郡于故厝城中高齊天保七年又移清河县

于故信城具隋開皇六年又移清河县于州部即今縣

是也○末柱城在具東北五十里隋圖經云末柱城即

十六國時段疾六眷之從弟末柱自稱遼西公與石勒

相持因築此城号曰末柱城○信城故城漢縣後漢併

入清河在今理西北十二里故州城外是也城東南去

永濟渠十里唐咸通已前郡理于漢信城即此也○故

城後魏太和七年于其城置武強具屬廣宗郡隋

廢○永濟渠東南去縣十里南自汲縣引清漳二水入



界近孤女冢元号孤女渠隋煬帝征遼改為永濟俗呼  
御河○祐上漳渠者濁漳渠也源自上党城塚記云鄴  
城北有漳水今鄴郡臨漳是也○祐下漳溝者清漳渠  
也自鄴縣界來非濁漳也隋大業中制使姚暹疏決從  
上漳渠水入此渠亦名姚暹河煬帝征遼回泛舟于此  
謂之回臺河大業十三年寔建寔于廣平郡又疏此水  
入柳溝遂與水際合流○鮮堤在縣西三十里自宗城  
縣界來是鮮治水時築○廉頗塚在縣界

清陽縣

舊十二鄉漢縣屬清河郡又為貝丘縣  
博昌亦古

清陽之地故城在今縣東南後漢併入甘陵西晉省甘

陵于此置清河具理置清陽具復漢名至唐永昌元年  
緣清陽地久積鹹鹵遂西移于永濟渠之東孔橋置開

元二十二年又移清陽縣于今州城東永濟渠之曲即

今邑也○故清陽城在具東南三十五里漢桓帝改為

甘陵郡後魏孝昌三年葛榮賊亂以城內有甘陵高大

因拋陵為堡賊平遂置清陽永昌元年移具于孔橋此

城遂廢○故夏津具城在縣東南四十里隋開皇六年

以橋東有王莽河又與古夏津城相連因以為名○故

清河郡城在具東南二十五里漢高祖封王吸為清陽

侯食邑于此又景帝三年封王子乘為清河王改為清



河國並在此城按後漢和帝建初七年廢皇太子慶為清河王令就國亦此城桓帝改為甘陵郡至高齊天保七年移具于漢信城置今州西北故曰州城是也。故厝城在具東南三十里按地理志云屬清河郡王莽改為厝安漢安帝改為甘陵其地先出甘草土人号曰鵲城。古卽閭城在具東三十七里按地理志云趙平原君封東武城為別邑于此築城以貯器械因以名之。甘陵在具城內漢清河王慶陵即安帝之父也。

武城縣

東北四十里旧三十七鄉今七鄉

七國時趙邑也

史記趙平原君勝

封東武城即此城蓋以支襄有武城同屬趙故此加東

也漢書地理志東武城縣屬清河郡晉太康年去東字高齊天保七年移理漢信城隋開皇六年復还舊理唐

調露元年移于今理。絃歌臺在御河北岸。故武城

在縣北十里隋區宇圖云夏禹七代孫芒封公子武于此建國後漢光武封濟南安王真為武城侯前秦苻堅封長子為清河王移居武城即此城也唐調露元年移于永濟渠北羨王橋西二里置今縣外城基是也。孫伏伽墓在具東北二十里高三丈唐刑部侍郎

漳南縣

東北一百十里旧十八鄉今三鄉

漢東陽縣之地後漢省東陽其

地屬廣川後魏太和十八年分廣川置索盧具其地又



屬焉高奔天保七年省索靈具其地又屬東強隋開皇  
六年分東強具于今縣東北二十二里置東陽縣十八  
年改東南為漳南縣取地居漳水之南為名唐武德七  
年移于今理。石漳河在縣北四十里。永濟渠在具  
東五十里。界碑在縣西北八里後魏孝文帝太和六  
年立當鄴正東三百里

歷亭縣

東北一里舊本漢東陽縣地屬清河郡後漢省

東陽具其地屬鄒音自魏及高奔其地屬鄒具不改按

地理志歷具屬信都國在脩具界王莽改為歷寧隋開

皇十六年于今具東永濟渠南置歷亭縣屬貝州遙取

漢歷縣為名後以其地下濕鹹鹵移就盤河置在古歷  
城西七十里今理是也。東陽故城在縣西十八里漢  
高祖以張相如為東陽侯。鮮堤在縣東三十五里







